



پاکستانِ فقو

پاکستان کے کہانے

ملوک امیر عزیز محمد بیگٹی

وفاقی حکومت، وائٹنگ وزارت، رضائی بہرہ گمک، گول

بلوچ ایڈمی کوٹ

پاکستان اور قسرو

REACTION OF PAKISTAN

محمد سلیم اختر

نوشتہ

عزیز محمد گنجی

بلوچری بدل

گندد چار کنوچ

آغا بیر نصیر فان : عزیز محمد گنجی

عابی عبدالقیوم بلوچ : انور ساجدی

بلوچی اکیڈمی کوئٹہ

کلیں حق پہ بلوچی اکیڈمی کوئٹہ

بلوچی اکیڈمی کوئٹہ	چھاپ کنوئخ
قذات پرنٹنگ پریس۔ کوئٹہ	چھاپ جاہ
۱۹۸۲	سری وار
یک ہزار	سیکڑ
۲ روپے	بیا
محمد عارف	تآبت

پاکستان ۽ قصو

ۛ ڪٻيں ملڪ پاڪستان ۱۲ اگست ۱۹۴۷ء ۽ رڌش ۽ ٿٻٺهه - هميشي
۽ ٺرا پيش ۽ اے ملڪ هندوستان ۽ يڪ ٻهري اٿ - هندوستان
۽ سراسر انگريز آن قومنہ اٿ - اے هند ۽ مخلوق ۽ مسترن قرباني
داٿو مس ۱۹۴۷ء ۽ وٿ ملڪ آجو ڪنٺينه - هياں ٻهري ۽ ڪه مسلمان آن
ليڪو گيشتر اٿ - آن ملڪ ۽ نام پاڪستان بيٺه او آن ٻهري ۽
ڪه بڪال آن ليڪو باز اٿ - هياں گول مڃارت ۽ نام ۽ هميشر
بيٺه -

ۛ آجوت ۽ قصو باز دراٿر انت - بڪلاں ٺرا سر ۽ اے
زانغ آلتی انت ڪه هندوستان ۽ تنها مسلمان ٺرا پڪو آڪنغت -
ڪڏين آڪنغت او گڏ چول آماں داں ضد آن سال آن بقال
آن سراسر حاڪمي ڪنه او مڇڙا چه وٿ ۽ انگريز آن ٺرا مسلمان

آن ماکہ پھلشہ او نیٹ چوں مسلمان آن ترا انگریز او ہمال آن
آجوں حاصل کثہ۔

عرب او ہندوستان ۽ مخلوق ۽ آبتی سیالاری او خاص
کان واپاری سیالاری باز کبئیں اثنت۔ ہے سوب این کہ اسلام ۽
ہندوستان ۽ تھا آسٹریخ ۽ ترا سر دے عرب آنی ربغ سبغ ۽
وڑ وڈول آن جی ۽ اثر ہندوستان ۽ وسوخ آنی سرا است
اث۔ کاس چاڑدہ صد سال ۽ پیش مے دوستیر رسول پاک ۽
ذریعہ ۽ اے دنیا ۽ تھا دین اسلام تالان بیثہ۔ اسلام قبول
کنوخ آنی تھا جی ۽ عرب واپاری چوشین اثنت کہ آن ولبار
۽ نیت ۽ ہندوستان ۽ آتک او شنت۔ ہے واپاری
آن ترا کڑدے ہندوستان ۽ تھا دسم بیثنت۔ ایذا آمانی
زند اسلام ۽ اصول آنی باز جوانیں نمونے اث۔ آمان دلبار
اداری ۽ دنی دین رے مخلوق ۽ تھا تالان کت۔ ہماں مد ۽
بئی او جہلی ٹک ۽ بقال آنی زند ۽ حال وڑ باز نگیک اث۔
آمان وختیکہ ہے واپاری آنی علی زند او اسلامی وانگ ویرادی

دیشہ آں بازی عر مسلمان بیان عر مسلمان بیان عر کشتخت
 عرب واپاری آں ہندوستان عر ہماں تک و دگ عر تہا کہ اسلام
 تالان کتہ آں ہندوستان عر جہلی زر عر سرا انت۔ ہندوستان
 تہا مسلمان آنی باقاعدہ ایٹخ مس اللہ عر بنا بینہ۔ وقتیکہ یک
 درنائیں عرب مسلمان جرینل محمد بن قاسم عر سندھ عر علقہ عر سرا جگہ
 عر سوہ اش ات کہ مسلمان واپاری آنی یک جہازے وئی ملک
 عر روع عر ات کہ ہمیشی سرا آہانی واپاری مال وڈی لڈنی
 عر ات۔ او ہمیشی عر آہانی چک و چوری دے زوار انت۔
 وقتیکہ اے جہاز سندھ عر بندر جاہ دیل عر نزوح عر سر بیٹہ
 تہ دھاڑیل آں اشی عر را کٹتہ۔ او مسلمانیں چک و
 زائیفافیز کشتخت۔ چوک مسلمان حکومت عر ہمیشی سرا احتجاج کتہ تہ
 سندھ عر بقال حاکم راجہ داہر عر پوج ولدی ناثہ۔ پمیشا مسلمان حاکم حجاج
 بن یوسف عر بقال راجہ عر را بستے دیٹخ عاظر اہے لشکر
 دیم داتہ۔ مسلمان آنی ہے لشکر عر راجہ داہر عر را پردوش داتہ
 او داں ملتان عر علقہ وئی قوضہ عر آرتہ۔ ہمیشی عر رند

محمد بن قاسم ء پوٽر ء بازيں سپاهي سنڌه ء بازيں علقه آن
دسم بيٺغت - آباں گون سنڌه ء بقال آن باز جواڻيں سلوڪ
ڪنه - مسلمان آن خلق ء بقال آن دل ڪپنغت - بقال بھري ء
مسلمان بيان ء شُغت سنڌه ء تها ڪر اشي باب اسلام
(اسلام ء دروازگ) ڪنه گشت مسلمان آن وڻي محڪميں حكومت
قائم ڪنه پر سچھ اين ھندوستان ء ثنا مسلمان آن حكومت مسلمان
شھاب الدين محمد غوري نامي اين مسلمان بادشاھي ء قائم ڪنه -
شھاب الدين محمد غوري ء باري ء ٿرا بگرداں ۱۸۵۰ ء
ھندوستان ء تها ڏوے نہ ڏوے ء مسلمان آن حاڪمي منتر
من ۱۸۵۰ ء ھندوستان ء مسلمان آن ٻہ وڻي آجوت ء ڪي جنگي
بُرخ ڪپته ڪر اشي ء راگون ۱۸۵۰ ء آجوت جنگ ء ڪير آرش
بي - اے ٿيھہ ء سرا بازيں وخت و ديلاھان ڪر ھماں مسلمان
خاندان آن حاڪمي ڪنه آھناني تها خاندان ٿيھان، خلجي، تغلق، سادات
لودھي سوري او اخير ء مغل خاندان اوار انت - اے حاڪميں
خاندان آن دور باري ء تها سيم و دنگ و دھشتغت ڪنه

او گھٹنٹ دے۔ اماں او ایمنی دے بیٹہ او جنگ و مراثی دے
 بیٹنٹ۔ اے درگت ءِ بازیں آجرئیں ریاست دے قائم بیٹنٹ
 پر اشی ءِ پدا ہم موڑی ءِ حال وڑ مسلمان آنی دست ءِ شیرا
 اٹ۔ مسلمان آں وٹی ہے دراثریں حاکی ءِ دور و باری ءِ مخلوق
 ءِ گہتری او آہنانی زندمان ءِ سکھیا او و شمال کنگ ءِ پہ بازیں کا۔
 کھٹنٹ وٹی غلقہ آنی تھا دسم این سچہ این راج ءِ گوں
 جوانیں سلوک کتہ۔ ہمیشی پھچی ءِ آماں وٹی دین ءِ تالان کنگ ءِ
 پہ دے ہر وڑیں وس و کوشٹ کھٹنٹ۔ ہے ردا صوفی او
 اللہ ءِ نیچیں بندہ آں دے باز کار کتہ۔ آماں کہ ہماں تبلیغ کت
 آہنانی جند ءِ زند دے ہمیشی ءِ شریں درشان اٹ۔ آماں وٹی
 زوان گوں اے ہند ءِ مردم آنی زوان ءِ اوار کتو ٹوک و تران
 کتہ۔ ہے سو ب انت کہ بکال آنی جو رو ظلم آں ژا تنگ آنگنیں
 مخلوق ہے بزرگ آنی دوستی ءِ علم ءِ ساڑتیں سا ءِ شیرا کھٹنٹ
 او ہینگا اے دگ ءِ تھا تیزی ءِ تالان پیاں ءِ شتہ۔
 مسلمان آں ہندوستان ءِ سرا گتے یک ہزار سال ءِ ژا

گینس جاکی کٹہ - ہے ویلہا مسلمان حکومت آں بکال او اسے علقہ
 دسم این اکلیت آں گوں جواہیں سلوک کٹہ - مملوک دشمالا
 آہنانی ریح و سغ و وڈ ڈول ترا ساری و گہتر بیثغت - ملوق
 پیش و شہ گیشتر آجوں رشی ایٹ - کارڈ نوکری آنی تہا گوں
 غیر مسلمان آں پوج دزک ٹے کنغ مذویت - سرپہ اد لائخیں
 مردم و حکومت مزین و مزین عہدہ دیع بیٹ - سچوں تاریخ
 شاہز اتہ کہ بکال او ردہی غیر مسلمان آں باز مستری ابہیں عہدہ
 دے دیع بیثغت - مگہ ہے سچہ این ٹوک آنی داہم بکال
 آں مسلمان آنی حکومت گوں دل و نہ منشغٹ - ہنچناں ہر ذیکہ
 آہاں مسلمان آں را نخصان ہجینغ و موہ رسنہ - آہاں ہمیشی و
 ترا پیلہ این فائدہ زرتہ یورپ و ملک او ہندوستان و
 آہتی واپاری دیغ گرغ دے ترا پید و است اٹہ
 واپار تر و دگ و شہ دے بیٹ او حشکی و دگ و
 شہ دے -

ہندوستان و سرزمین و را اشی کشاری مڈی او

۶
قدرتی خزانہ آنی سوہب ء " سہرہ مرگ " گشغ بیٹ - چو کہ ہندستان
ہے بے حصاروں مال و مڈی ء قصوہ میں یورپ ء ملک آن لس
و تالان بیٹغنت تہ آن ہمیشی تک ء لوسی بیٹغنت - پنچوں ہے
مڈی ء حاصل کنگ ء حاطرا یورپ ء قوم آن اے علقہ ء
سرا قوضہ کنگ ء باروا و بچار کنگ بنا کتہ - یورپ ء ہے
قوم آنی تھا پرتگیزی ، انگریز ، ولندیزی اور فرانسیزی آگ آگ
اٹت - آن وہد و باری ء ہندوستان ء بنجاہی حکومت
نور بیشو ششغنت - کہ اشی سوہب ء بازیں کسان کسانیں
ریاست جوڑ بیٹغنت - ہے دغر ملکی قوم آن ایے حال وڈ ء
ژا فائدہ زرتہ - یورپ ء ہے قوم ہندوستان ء مال و مڈی ء
کُنگ ء رند آپتی ء مرغ ء مان آکغنت - بازیں جنگ
آنی رند ء نیٹ انگریز سوہب مند بیٹغنت - آن کم کینتی ء
شذغنت دیبا سُرآن ء - نیٹ ۱۸۵۷ء آہاں سجرہ این ہندستان
ء سرا قوضہ کتہ - انگریز آنی ہے سوہب ء تھا آن مخلوق ء
گیشتر دست اٹ کہ آن ژا دھر ء مسلمان حکومت آنی

خلاف اہنت بلکن بازی وٹ غرض این مسلمان آل دے
 وٹ جند لاپرچ ۽ سوب ۽ گوں دشمن ۽ اوار بیٹو مسلمان
 حکومت آن ۽ بزور کمانہ ششغنت۔

مسلمان آل ۱۸۵۷ء ۽ آجوتی جنگ باز بھڑی ۽ مرارت۔
 پر بقال اوسکھ آن توڑ ۽ ڈول ۽ اے دھک ۽
 دے غداری کتہ او انگریز آنی سنگتی داتہ۔ اشی تسرے
 در کپتہ کہ مسلمان آل باج بیٹہ او ہندوستان ۽ تہا مسلمان
 آنی حاکی ختم بیٹہ۔ اشی ۽ رند فی ہندوستان ۽ مسلمان آل
 شرف و عزت ۽ زند گو ازینغ ۽ پے مزائیں دیں و مشکل
 دیا کپتغنت۔

۱۸۵۷ء ۽ آجوتی ۽ جنگ ۽ رند زندمان ۽ تہا
 مسلمان آنی شرف و عزت نہ وینغ ۽ برابر اث او اشی
 ۽ آہانی مالی حال ور ۽ سرا دے حراویں کپتہ۔ انگریز
 کہ فی حاکم بیٹغنت۔ آہاں مسلمان گوں شک ۽ نیاہ ۽
 دیشنت۔ او آہانی پیلہ این وس و کوشنت اث

کہ ڈولے نہ ڈولے ء مسلمان آن ء تادان بجایمنغ بہ بلنگ
 آن پھذا کدی سرٹیزر بیٹ م ونت۔ انگریز آن
 خیال ات کہ اغد مسلمان آنی حال ور گہتر بیٹہ آن
 وٹی پردش ء بیر ضرور گر انت۔ ہے کار ء پ انگریز
 آن بقال او سکھ آن ء وٹی بھیجی ء آوار کش ادے
 دوئیں قوم آن ء مسلمان آنی مقابلہ ء خاصیں ہند و
 درجہ دیخ بیٹہ۔

لے مال ور آنی تھا مسلمان آن ء یک پنچوشیں سوکے
 ء گزراٹ کہ آن آنہانی حال وراں جوانی ء سئی او سر پڈل
 او آنہانی مثلہ آن ء گی ایش کنغ ء دے زات۔
 اللہ تعالیٰ ء مسلمان آن سر سید احمد خان ڈولیں سوکے
 داٹ۔ سر سید ء مسلمان آنی حال ور ء ترا باز ڈکھ
 بیٹہ پنچناں آنہی ء وٹی کوشست بنا کنگنت کہ ڈولے
 نہ ڈولے ء مسلمان آن آہانی شذغیں شرف و درجہ
 پھناری۔ ہے مقصد ء گرغ ء حاطرا آنہی ء سے

وڑو ڈول وٹی کشتنت —

سری اے کہ حکومت او مسلمان آنی نیام ء
 چو کشیں چاگڑو پیدیا کنگ بہ بی کہ دوئیں یک دوہی ء ٹوک
 سرینڈ بنت او یک دوہی ء نریخ بیا انت۔

دوہی ہے کہ مسلمان ہر ڈولیں وانگ و علم ء رھیل
 بہ گرانٹ او پرح علی ء ثا نفرت مر کن انت ۔
 بلے کہ آل انگریزی زوان ء ذریعہ ء گریخ بہ بی۔

سیہی اے کہ مسلمان چو کشیں سیاست ء تہا
 ہر مر گرانٹ کہ آہنی تہا مھڈا او جھیرہ ء ترس بی۔

ہے وڑو ڈول ء سر عمل کنگ ء پہ کہ سر سید
 ہماں چن و لاپنخ یا مشن بنا کتہ۔ آہنی ء را علی گڑھ تحریک
 گشغ بی سر سید ء اے ٹوک ء دے خیال ات کہ مسلمان

علم ء تہا باز پشت ء سر آکشتنت ۔ ہینچناں اے مقصد
 گریخ ء پہ آہنی ء مس ۱۸۶۲ ء یک وانگی جنڑے بنا
 کتہ او ہے ہمارا مک سوسائٹی ء ماہینتہ کہ آہنی نام



سائٹنگ سوسائٹی اٹ - ۱۷ سوسائٹی ۽ کار راکش اٹ کر
 دوہی زوان آئی تہا نوشتہ پیشین کتاب آن ۽ اردو روز
 ۽ تہا بدل بہ کنت تنگ مخلوق اشاں اترانی او ہچائی ۽
 سرین بیٹو نوہیں علم ۽ ترا فائدہ زرت بہ کن ات - سرسید
 یک حال تاکہ دے سنگ کتہ کہ اسپنا نام ۽ علی گڑھ
 ہستی پچوٹ گزٹ " ہے حال تاک ۽ ذریعہ ۽ انگریز آن
 ۽ مسلمان آنی سبہ ایں مسئلہ آنی باروا ڈسٹریکٹ - رند ۽
 مال در او پھیرا آن ۽ ثابت کتہ کہ ہے اخبار ۽ باز
 جوائیں کار کتہ او اسنی ۽ تہا باز شر در پکتغت -

سرسید ۱۸۸۶ء ۽ یک کانفرنس ۽ بن حشت
 ار کتہ کہ آئی ۽ را ۽ محمدن ایجوکیشن کانفرنس " ۽ نام
 ریخ بیٹہ اے کانفرنس ۽ تہا ہر سال مسلمان آنی داگی مسئلہ
 آئی بھی ۽ دوہی مسئلہ آنی سرا دے غور و بچار کنت
 بیٹہ - رند ۽ واقعہ آن ثابت کتہ کہ محمدن ایجوکیشن کانفرنس
 باز بیٹہ مندی کار کنتغت اشنی ذریعہ ۽ مسلمان آن

آپتی ء اوار بیشو نذغ ء موند ملته او ہینکا آل دل ملر
آن ء گی ایشغ ء لاشغ بیثغت۔

بقال آل مسلمان آل ترا سرا انگریزی علم ء ہیل گریغ بنا
کثغت ہینناں نی آل سیاسی ڈر ء یک بیشو دل ٹوک
آن منایغ ء پہ وپچار کنغ ء اثنت۔ ہے کار ء تھا
انگریز آل دے آمان واہر کتہ۔ کہ ہمشی تسر ء مس
ء بقال آل یک سیاسی ڈلے ٹاھینتہ۔ کہ اشی نام ایڈین
نیشن کانگریس۔ ایرکتہ۔ کانگریس ء دعویٰ ات کہ آل بقال مسلمان
ہر دوہیں قوم آنی پارٹی اے۔ پر ہے ٹوک راست نہ ات
پرچیک ہے پارٹی ء شہ بذات ء ہینوشیں وٹ کنغ بنا
کثغت کہ آل پہ مسلمان آل سیٹ مند نہ اثنت ہے
سوب ات کہ وختے سرید ء را ہے سیاسی ڈل ء تھا اوار
بیغ ء خواست کنغ بیٹہ تہ آہنی نہ ایو کہ وٹ ہے
خواست ء را رذکتہ۔ بلکن کلیں مسلمان آن ء گتہ کہ آل
ہے سیاسی ڈل ء تھا اوار مہ بنت او ہمشی پھمی ء اے پنت

دے داٹھ کہ مسلمان وٹئ کھیں دگوشی ء علم حاصل کئغ ء تک ء
 بہ دینت ۔ ہنچناں چو کہ دیا کانگریس ء مسلمان آئی برضلات
 سہرا سہرائی کار بنا کتہ تہ سہرائی ء پدھر بیتہ کانگریس چٹرو
 بقال آئی ڈل ات او چٹرو پہ آہنانی فائیدگ او سیٹ ء کار
 کئغ ایٹ ۔

مس ۱۸۹۳ ء یک دوہی ایسوسی ایشن اے ٹا ہینغ بیتہ کہ
 آہنی نام " محمدن اینگلو اورٹنس ڈیفنس ایسو سو ایشن" ات
 اے ایسوسی ایشن ء مقصد او لیکہ مسلمان آئی تہا اے جوڑہ
 پیدا کئغ ات کہ آں وٹئ سیاسی ، وانگی او دینی حق آں رکھت
 بہ کن ات ۔ رند ء ہے ایسوسی ایشن ء سوب ء مسلمان آئی
 تہا وٹئ یک فوکلٹیں سیاسی ڈول ء ٹا ہینغ ء حیاں پیدا
 بیتہ ۔

بنگال باز مزائیں صوبہ اٹ ۔ انگریز حکومت ء وٹئ انتظام
 ء گہتر کئغ ء حاطرا مس ۱۹۰۵ ء بنگال ء صوبہ ء را
 دو صوبہ آئی لانا بہر کتہ ۔ اے یک اتفاتی

اٹ کہ ژا ہے بہر ء کہ انگریز ء وٹ سہنج او آسانی ء پ
 کثفت : مسلمان آں دے چی ء فائدہ بیشہ پر بقال او
 کانگریس ء ہے بہر ء را قبول نہ کثہ او آہاں ہمشی ء سک
 مخالفت کثہ ۔ مسلمان آنی واہگ اٹ کہ بنگال ء اے بہر ء
 ختم کثف مہ دی پر انگریز حکومت ء مسلمان آنی ہے واہگ ء
 پرداہ نہ کثہ او بقال آنی زور ء شیرا آکو مس ۱۹۱۱ء بنگال ء
 را اغدے یک صوبہ ء ثابنتہ ۔ ژا ہے واقعہ ء مسلمان آنی
 چم بتکثفت او آہاں پک بیشہ کہ انگریز او بقال اصل ء یک
 انت او ژا آہاں مسلمان آنی سیٹ و فائدہ ء پوج بیلے داشت
 نہ دی ہا کہ مسلمان آں وٹ دیچار کثف لوٹیت کہ آں نی تھاگیں
 گام یگج بہ کن انت کہ آں پہ وٹ شرف و عزت ء بہ
 گر انت او پہ وٹ فائدہ ء گوں حکومت ء ٹوک و ژار بہ
 انت ۔ ہنچناں مسلمان سروک آں گوں ہندوستان ء انگریز
 والسرائے ء گندونند ء فیصلہ کثہ ۔

سری اکتوبر ۱۹۰۶ء مسلمان سروک آنی یک گلے ء

والسراٹے گالھی کتہ - سر آنا نان ہے گل ۽ سروغاں اٹ۔
 ہے گل ۽ راشملہ گل گشت پرچیک ہے گل گوں والسراٹے
 شلہ ۽ ہندا ملتخت - گل ۽ لوٹ کتہ کہ گیش کاری آن
 تھا مسلمان آں پہ نوپکلائیں نشت بیٹخ بہ بنت او ہمشاں
 پہ چڑو مسلمان ووٹ داٹ کن انت۔ اے اصول ۽ را
 " نوپکلائیں نمائندی ۽ اصول " گشت بی - والسراٹے ۽ مسلمان
 آن گل ۽ ٹوک اشکشت او اشانی سر دل ایمنی ایمنی ۽
 ویچار کنف ۽ وعدہ کتہ - سے سال ۽ رند بزاں مں ۱۹۰۹
 ۽ یک قانود ۽ ذریعہ ۽ مسلمان آنی ہے لوٹ حکومت ۽ منظور
 کتہ - اے مسلمان آنی مزائیں سو بے اٹ - گل ۽ کوشست
 او لوٹ آں آجرٹ ۽ نیمغا سری کام گشت بیٹ بی۔

بقال آنی مسلمان ڈرمنی ہر روش تیز بیان ۽ روغ اے
 ہمیشی تتر اے بیٹہ کہ مسلمان آں ویچار کنف بنا کتہ کہ ہاں
 سیاسی ہم ۽ ہند او آوار بیٹخ باید انت - اوذا شملہ ڈل
 سو ب مندی ۽ دے مسلمان آنی تھا گنٹرتی پیدا کتہ کہ

انڈیا آں یک بننت تہ وٹی لوٹ آں حکومت عہ ترا
 منایمنت کن انت - او وٹی حق آں رکھت کن انت - ہنر
 شدگی ہ گزردن عہ زند مسلمان سردک آں مسلمان آں نوزیلا میں
 سیاسی ڈول عہ مابینغ ہ گزر سٹی کتہ او مس دسمبر ۱۹۰۶ عہ
 مس ڈحا کہ عہ مسلمان آں جتائیں سیاسی ڈے ماحینتہ کہ آہنی
 نام "آں انڈیا مسلم لیگ" ایہ کنغ ہمیشہ - مسلم لیگ ہ
 ذمہ عہ اے کار اث کہ مسلمان آں دل لانا انگریز حکومت ہ
 باردا کہ ہاں شک و دسواس پیدا بیغشتت - آہاں دیر ہ
 کنت - ہمیشگا اشی فرض اث کہ مسلمان آں سیاسی حق آں
 رکھی او اش کہ مسلمان آں لوٹ ، داہگ او گزر آں حکومت
 دیا جوائیں ڈول عہ گوں ادب عہ پیش ہ کنت - مسلم لیگ ہ
 اے دے مرض اث کہ گوں دوہمی قوم آں مسلمان آں سیالاری
 آں گہتر او شرتر کنغ عہ تہا کک عہ کنت تنکہ کلین قوم
 ادار بنت او ملک عہ آجوں او دیمروی عہ پہ کار کتہ کن
 انت -

ادپریشانی گیشتر بیٹہ۔

ہے درگت ء قائد اعظم محمد علی جناح ء سیاست ء ہما
 پیر گریغ بنا کتہ۔ وٹی سیاسی زندء بنا ء قائد اعظم ء اے
 ٹوک ء مسل زور داشہ کہ مسلمان اد بقال آن ادار ہیشو ڈول
 ات کہ ہے رنگ ء انگریز آن ء ترا ہندوستان ء درگت
 بیٹہ۔ . . . مگہ زیت قائد اعظم ء سما پکتہ کہ بقال دت
 عرض ائت اد آماں پنج پوحشیں کارے کنغ نہ لوٹ ات
 کہ ترا آہنی ء مسلمان آنی گہبود بیٹہ این۔ قائد اعظم پیشہ
 کانگریس ء باسک ات پرمس ۱۹۱۳ ء آن مسلم لیگ ء لانا
 ادار بیٹہ۔

م ۱۹۱۲ ء سری عالمی جنگ بیٹہ۔ اے جنگ ء تہا
 انگریز جرمنی ء برخلاف مٹغا ات۔ ترکی ء مسلمان جرمنی ء
 سنگتی ء دیغ ء ائت۔ ہندوستان ء مسلمان آن گوں
 وٹی برات این ترک مسلمان آن باز دوستی ات۔ ترکی ء
 خلیفہ ء راسجہ این مسلمان دنیا ء خلیفہ زانغ بیٹہ۔ ہماک

۱۱
ہندوستان ۽ مسلمان آں وتی ترک مسلمان برات آہنی
سنگتی دینغ ۽ فیصلہ کتہ۔ ہے مہل ۽ انگریز آں وعدہ
کتہ کتہ جنگ ۽ درگت ۽ مسلمان آنی پاکیں ہند آں ۽
نخصان دینغ نہ وی۔ اداسے کہ مسلمان آنی خلیفہ ۽ برخلاف
جنگ کنگ نہ وی پرچوکہ جنگ ہلاس بیٹہ ۽ انگریز آں وتی
وعدہ ۽ پرواہ نہ کتہ او ترکی ۽ خلافت ۽ را ہر ڈول
۽ نخصان پوجا یئغ بنا کتہ۔ ہمیشی سرا ہندوستان ۽ مسلمان
ستگنت او آہاں یک چن و لاپنج ٹے بنا کتہ کہ ہمیشی ۽
"تحریک خلافت" گشغ بی۔ ہے چن و لاپنج ۽ درگت ۽
کانگریس ۽ دے وتی چن و لاپنج گول زور و شور ۽ بنا کتہ۔
چن و لاپنج ۽ مقصد و لیکہہ ایش اث کہ حکومت ۽ کارانی
تہا آہنی دست کمی کنگ نہ وی۔ ہے چن و لاپنج ۽ را تحریک
عدم تعاون" بزاں دست کمی نہ کنگ ۽ چن و لاپنج ۽ نام
دینغ بیٹہ۔ خلافت ۽ چن و لاپنج او دست کمی نہ کنگ ۽
چن و لاپنج ۽ داں بہتیں سال آں اداری ۽ کار کتہ

او جنوں گندغ ء آہک کہ زیٹ انگریز آنی حکومت
 ختم بی پر بقال آنی سردک مسٹر گاندھی ء ناغانی ء ش
 چن و لاپنچ ء کرد بیغ ء فیصلہ کتہ کہ ژا ہشتی ء دویلی
 چن و لاپنچ آں سک باز فحسان پوجتہ او انگریز حکومت
 اعذے بھرٹ او ستر بیان ء مشہ۔

پر ہماں لوٹ و لیکہ ء کہ خلانت ء چن و لاپنچ بنا
 کنگ بیثغنت آں مقصد تہ مسلمان آں گپت نہ کتہ پر
 ہے تحریک ء یک مزائیں فائدہ سے اے بیشہ کہ مسلمان
 آں تہا کیوٹی ء یک نوخیں جزدہ دوی بیشہ او آہاں ادار
 بیشہ سیاست ء تہا بہر گرغ ء فیصلہ کتہ سری عالمی جنگ
 ء درگت ء مسلمان او بقال آنی تہا اے حیاں او گنڑتی
 کیشتر بیشہ کہ اعذ آں ژا انگریز آں وئی ہندو درجہ گرغ وٹ
 انت تہ آہاں باید انت کہ وئی ناہی او ناہاک ء ختم کن
 انت او یک دوہی ء سنگتی ء بہ دینت - ہے پارا
 مسلم لیگ او کانگریس ء نیام ء لکنو ء ہندا یک منگ

۲۲
 نامہ و ہمیشہ کہ ہمیشی ء را " لکھنو منگ نامہ " گشغ بی۔

قائد اعظم محمد علی جناح ء پیلہ این کوششت آنی پدا ہم کہ
 مسلمان او بکال ادار بنت او کارکن انت۔ آئی ء بکال آنی
 دل ء شہ آں نایبی او نفرت ء را کہ آماں مسلمان آنی
 خلاف است ات کم کٹ نہ کٹہ۔ ہنچناں آہنی ء وٹی دلوٹی
 مسلمان آں حق آنی رکھینغ ء تک ء داشر۔ آں سرپرستینغ
 کہ مسلمان آں وٹی رکھین وٹ کنغ بی۔ ہنچناں آہنی ء
 مں ۱۹۲۶ ء مں دہلی ء مسلمان آنی یک دیوانے وٹاہنتہ۔
 ہے دیوان ء تہا مسلمان آنی سرا دیچار کنغ بیشہ او چمی ء
 صلاح منظور کنغ بیشغت کہ آں پہ مسلمان آنی کہتری ء
 امنت۔ ہے سوچ و صلاح آں ء " دہلی ء صلاح و شون"
 گشغ بی۔

ہندوستان ء تہا مسلمان او بکال قوم آنی آپتی سیالاری
 بیگ بیان ء روح ء امنت۔ ہمیشی ء ابید دے ہنچنشین
 حال در پیدا بیشغت کہ آمانی سوب ء مخلوق ء تہا

باز بے دل او دسواس است اٹ - جے پارا برطانیر
 حکومت ء یک گلے ہندوستان ء دیم داڈ کہ آن حال درآنی
 گندو پار ء کت او آسانی شر او گبتر کنخ ء پے سوچ و
 صلاح داٹ - جے گل ء سردغان ء نام مرجان سامن
 اٹ - ہا کہ جے گل ء سامن کیشن ء نام دینغ بیٹہ
 بکال او مسلمان ہر دوئیں قوم آن ہے گل ء ہائیکٹ کٹہ
 اٹی سرا یک انگریز وزیرے ء چیلنج داڈ کہ ہندوستان
 سیاسی ڈل آن ء باید انت کہ آن یک اپنوشیں دستورے
 پیش کن انت کہ آلُ سرا آن آہتی ء راضی بہ بنت -
 اے چیلنج سیاسی ڈل آن قبول تہ کٹہ پر آہنہانی آہتی
 ء پچ سہرا او منگ نامر ء بیٹ نہ وینہ - اٹی
 سرا یک کیٹی ء دماہنغ بیٹہ کہ ہمیشی سردیک بکالے
 مسٹر موتی لال نرو اٹ - ہا کہ آن رپورٹ کہ ہے کیٹی
 ء ہرو رپورٹ گشغ بی - اے رپورٹ مسلمان آنی سک
 خلاف اٹ بلکن ہمیشی تھا ہماں ہسرا او لوک آن دے رد

کنغ بیثغت که آن پیش ء بکاں او آہنانی یاسی ڈول
 کانگریس ء مَن ثغنت . مسلمان آن ہے رپورٹ رز کث
 او مسلمان آنی سروک قائدا عظم محمد علی جناح ء مسلمان آنی
 جدوہ او داہگ چی ء لوٹ آنی درو شتم ء پیش کثغت -
 اشان ء قائدا عظم ء چاڑوہ نکات کشغ بی - ہمشان شہ باز
 ضروری این نکتہ الیش انت -

ملک ء دستور اے ڈولین ء بی کہ صوبہ آن ء گیش
 اختیار حاصل بہ بنت - اینگامہ دی کہ پنج یک صوبہ ء دوہمی
 صوبہ ء سرا زور پرینیت یا یک صوبہ سے ء ترا دوہمی صوبہ
 آن گیشتر آسائنت حاصل بنت - زویکلایں گیش کاری ء
 اصول ء ہر ملک او فرکہ ء سرا کارمز کنغ بہ بی - سندھ
 ء راشہ بمبئی ء صوبہ ء گرڈ او جتا کنغ بہ بی - پچھیکہ
 سندھ ء تہا مسلمان آنی لیکو گیشتر ات ہے ڈول ء اے
 لوٹ دے کنغ بیثہ کہ صوبہ بلوچستان او کٹیبی رو ایرشتی
 یکم سری صوبہ ء تہا دے دوہمی صوبہ بہ آنی ڈول رو دیمروی ء

گام گنج کنگھ بہ بنت - ہے دوہیں صوبہ آئی تھا مسلمان آئی
لیکو گیشتر اٹ -

مسلمان آن ء وزارت آئی تھا نمائندی دے دیئغ
بہ بی - اد صوبہ آئی رضا گرخ ء ابید دستور ء تھا
پتج بدلی کنگھ مہ وی - سبھہ این دینی مک آں یہ ڈولیں آجول
است بہ بیٹ - مسلمان آں نوکری آئی تھا آہانی جائز
این حک دیئغ بہ بنت -

قائد اعظم ء چارہہ نکتہ آں ترا مسلمان باز وہش بیئغنت
پرچیکہ ہے آہانی داہگ آئی درشان آنت پر کانگریس ہمیشہ
ترا ڈوکی بیٹہ پرچیکہ اے آہنی ایکم ء برخلاف اٹ -
انگریز حکومت ء قائد اعظم ء باز لحاظ او قدرکت - ہے
سوب انت کہ ہمیشہ ء پھذا کہ ہماں کا نوڈ ماہینغ بیئغنت
آہانی تھا قائد اعظم ء چارہہ نکتہ آن ء شری ء منغ بیٹہ
ہنچوں دخت گزانا شتہ مسلمان آئی سرا بکال او
کانگریس ء مسلمان ڈرمنی سہرا بیان ء شتہ - نی اے



پھر اٹ کر بکال ایو کہ جہاں مقصد و یکہاں پہ کار کھنغ ء
 اٹت کہ ڈوے نہ ڈوے ء مسلمان آں وٹ شیری بہ کن
 انت۔ اودا مسلمان سوک آں فیصلہ کتہ کہ فی دخت آتکہ کہ
 مسلمان آں وٹ حک آنی رکھنغ ء پہ وٹ المی این گام
 گچ کھنغ بنت او وق آجونی ء پہ وٹ دگے بوٹخ بی۔
 قائد اعظم ء مسلمان آنی حک آنی رکھنغ ء پہ چاڑدہ
 نکتہ پیش کٹھنت۔ مسلمان آنی یک دوہی سوکے علامہ اقبال
 اٹ کہ آں داں جہاں وخت ء کوئی شاہر ء صیبؔ
 ہشر بنیغت۔ آہنی ء دے بیاست ء سر ویچار کتہ
 او ہیئگیں دگے ء گتخ ء پہ پکرو گنٹتی بنا کتہ کہ
 پہ مسلمان آں سیٹ مند بہ بی۔ آہنی ء وٹ جیال
 سلم لیگ ء مس دسمبر ۱۹۳۰ ء بیوخیں سالیٹی دیوان ء
 تھا درشان کٹھنت۔ اے دیوان مس الہ آباد ء بنیغت۔
 علامہ اقبال ء وٹ تران ء تھا گتہ کہ پہ مسلمان آں
 یک نوکلاییں مسلمان ملک ء گزر انت پچیکہ مسلمان ہونڈ

دوہی سچہ این قوم آن ژا ہر پیم ء جتا او شتر انت
 علامہ اقبال ء ہے تران ء مسلمان آن یک نوخیں جوڑہ
 ء داتہ او آہاں یک چرخیں منے ڈسہ کہ آہنی ء دال
 رہینغ ء ابید مسلمان آنی مسدگی ایش بیٹ نہ دیش ۔
 ہے درگت ء مس ۱۹۳۳ ء یک وانوخنے چوہدری درگت علی
 ء ملک ء نام پاکستان صلاح کش کہ ہمیشی تھا اے حرف
 ادار انت ۔ پ پ پنجاب ء ۔ انڈیشہ افغان (روایتی
 سیم سری صوبہ) ک پ کشمیر ء س پ سندھ ء
 ادمتان پ بلوچستان ء ۔

ہماں روش آن حکومت ملک ء تھا یک زخیں قانور
 ٹا صینغ ء باروا دیچار کنغ ء ات ۔ ہنچناں اے مل
 ء سرا دیچار کنغ ء پ حکومت ء مس لندن ء
 دیوان لوٹائیتخت کہ ہمشانی تھا ہندوستان ء سچہ این
 مزن مزانیں سیاسی ڈل آن ء ادار بیغ ء دعوت بیغ
 بیشہ ۔ ہے دیوان آن ء " گول میز کانفرنسیں " کش

ہے دیوان آنی تھا مسلم لیگ ء پلوا شرا قائداً اعظم اوجھی ء
 دی مسلمان سروک آل بہر گپتہ - قائداً اعظم ء مسلمان آنی ینمغا
 ذآ آہانی جیال سہرائی ء پدھر کشنٹ او آہانی حق حق آنی
 رکو ء پ تران کشنٹ - حکومت ء باز کوشست کتہ کرے
 کانگریس آنی تسر ء سیاسی ڈول آنی نیام ء اوجھی ء رازی
 بازی ء بی بی پر بکال بزاں باز زدی او موڑ بیٹہ او ہے
 سب ء پوج فیلسہ بیٹ نہ دیشہ - ہنچناں حکومت ء اگوں
 ویا مرزی ء مس ۱۹۳۵ء ملک ء تھا یک نوخیز قانوندے کار بند
 کتہ کہ ہمیشی ء "گورنمنٹ آف انڈیا ایکٹ ۱۹۳۵ء" کشنٹ بی۔

۱۹۳۵ء ایکٹ ء د ء مس ۱۹۳۶ء ء گیش کاری بیعت
 سلم لیگ او کانگریس دوئیں ڈول آل گوں زور شور ء گیش کاری
 ء تھا بہر گپتہ - کانگریس ء ہماں صوبہ آنی تھا گیش کاری کتہ
 کہ آہانی لافا بکال باز اثنت - او آہنی ء اوذا حکومت ہاہینتہ
 اسے بکال حکومت آل مسلمان سرا مزائیں دور و ظلم کشنٹ -
 مسلمان آن ء ہر ڈول ء تنگ کینغ بیٹہ - ہندی ء را

دزنی زوال ٹاٹینغ ۽ کوششت کنغ بیٹہ او اے مسلمان
 آنی برخلان یک مستریں سازشے اث۔ مسلمان آنی راہگی
 او داپاری گزر آنی پتج پرورہ کنغ نہ ویتہ۔ بکال آنی
 حکومت ۽ دور باری ۽ یک ہنچوشیں سوتے ۽ را قوی
 ترانہ ۽ وجہ دینغ بیٹہ کہ آں مسلمان آنی برخلان اث۔ اے
 سوت ۽ را بندے ماترم گشغ پیٹ۔

کانگریس ۽ ہے مخالفین سلوک ۽ سوب ۽ مسلمان بھرتا
 مسلم لیگ ۽ تھا اوار بیان ۽ شغنت او باز زیشہ
 ڈل یک اولسی ڈے پھٹو شتہ۔ کانگریس ۽ دس کتہ کہ
 مسلمان آں پرامیت او دتی پھنی ۽ گوں گیشٹ پر آں
 ہے کوششت ۽ بے سوب بیٹہ۔

مس ۱۹۳۹ء ددہمی عالمی جنگ بنا بیٹہ۔ انگریز قہ لے
 ہے جنگ ۽ تھا بہر گرغا اث۔ کانگریس ۽ ہے جیل
 ترا فایدہ زیرغ لوٹتہ او اے دیشو کہ حکومت جنگ ۽ تھا
 سوگہ انت گوں آماں سوزا بازی کنغ لوٹتہ۔ ہے پارا

ہنگریس ۽ وزارت آن استعفیٰ داتہ تنگہ حکومت برسر
 در یرینخ ۽ بی۔ مسلمان ہمیشی سر باز و ہش او دلجم بیعتت
 ۱۲۲ دسمبر ۱۹۳۹ء ۽ آ جان حلوسی ۽ روش گوازیفتہ۔
 ہندوستان ۽ مسلمان آن دت ۽ را ایک نوپکلائیں راجے
 بکث کہ آہنی وئی دور ریدرخ ات۔ آہنانی رضع و
 بیخ ۽ ورت ڈول ترا ددہمی راج آن کڑو ات او آہنانی
 دئی دین ات کہ آن شہ ٹھلیں دین آن گہتر این۔ مسلمان
 دام کشت کتہ کہ آہنانی ہمے دوراجی زندمان جوڑیت یعنی مسلمان
 زندمان او بکال زندمان۔

لائگریس وزارت آنی دور باری ۽ تہا مسلمان سرا کہ ظلم
 در دور کنغ بیعتت شہ ہمیشی ۽ مسلمان آن اندازگ جہشہ
 کہ انگریز آن حکومت ۽ داغ بکال آنی دست ۽ داتہ تہ
 مسلمان آنی چہ حال بی او اسے کہ بکال چوں حکومت ۽
 نشہ ۽ مسلمان آن ۽ ختم کنغ ۽ جدا کنت ترا ہمیشی
 مسلمان آن پکرو ویچار کنغ بنا کتہ کہ آمان یک نوپکلائیں

اور آجوں ڈیجے اور قائم کنگ اور سرا و پچار کنگی بی۔
 ۲۳ مارچ ۱۹۴۷ء کو لاہور تھا مسلم لیگ اور مسلمین
 دیوان بیٹہ آئی تھا یہ مسلمان آں نویکائیں آجوں ملک
 قائم کنگ اور لوٹ کنگ بیٹہ ہے دیوان اور تھا ہندوستان
 بازیں علقہ آں شہ مسلمان سروک گون اور ادارہ بیٹھت۔ ہاں
 سوچ و صلاح کہ اسے دیوان اور تھا منزور کنگ بیٹہ آئی
 اور نام قرار داد لاہور "گشغ بی۔ ہاں ہندو جاگہ اور کہ
 قرار داد منظور کنگ بیٹہ ہموذا مرشی بانگھا یک پڑی ہندو
 اور قائم کنگ بیٹہ کہ ہمیشہ اور "منار پاکستان" گشغ بی
 قرار داد پاکستان منظور بیٹھ اور رند مسلمان آں دلی جن
 اور لاپنج تکھا تر کتہ اور پہ مسلمان آں نویکائیں آجوں ملک
 اور لوٹ نس بیان اور شہ کنگریس ہے لوٹ اور برطان
 ات۔ انگریز آں دے نہ لوٹ ات کہ مسلمان آں دلی
 دتے بی پر مسلمان آں پردت آجوں ملک اور
 کہ ایں کول کشت۔

دہی مالمی جنگ و درگت و یک وخت و پہلے و
 برطانیہ و حکومت و راشہ جاپان و باز ترس کپتہ -
 جاپان و ان جہاز آن کلکتہ و سرا بم گواری کتہ - اسے
 مال و آن تہا حکومت و سا کپتہ کہ آہنی و را ہندوستان
 و مملوق و را گوں وٹ ادار کتغ باید انت - ہینناں
 پے پارا برطانیہ و حکومت و وٹ یک وزیر سر
 اسٹورڈ کرپس گوں ہندوستان و سروک آن ٹوک و توار
 کتغ و دیم داشہ - کرپس و گوں ہندوستان و سر بیغ و
 بار جتہ کہ جنگ ختم بیغ و رند ہندوستان و آجو
 کتغ بی ادکازن ٹاھینو خیں ادارہ پر ملک و دستور ہائیں
 ہے دستور و تہا سوبہ آن و موکل بی کہ اغہ آن کرڈو
 جتا بیغ لوٹ انت تہا آہاں اینچوں کتغ و حک بی -
 کانگریس و کرپس و سلاح رذ کتغنت پیچیکہ شہ
 ہیش و آہناں و یکیں بھارت " ٹاھینغ و پروگرام و
 ماننخان پیج و اٹ - مسلم لیگ و دے کرپس و

سوج و سلاح نہ مشغنت پچیکہ ہمشانی تھا مسلمان آن

نویکلائیں دتن ہا، مینغ ء پچا، نیست ات - چیا، کہ ہندوستان

ء ہر دو میں مزائیں سیاسی ڈل آن کرپس ء سلاح آن

نہ منٹہ ہما کہ " کرپس مشن " بے سوب بیٹہ۔

کرپس مشن ء بے سوبی ء رند واجہ گاندھی ء ایک

د لاپنچے جُزینتہ کہ اشی مقصد و لیکہ اش اش کہ ڈولے

ڈولے ء انگریز آن ء ترا ہندوستان لودھنغ او کشغ ہ

ہے چن و لاپنچ ء نام " ہندوستان ء بل دے " ات

بکال سرورک آنی و اگ اٹ کہ اف آن انگریز آن ء ترا

ہندوستان ء لودھنغ ء سوب مند بیٹنغنت تے آن سچہ این ملک

ء سرا گوزا کٹو وئی حکومت کن انت او پھذا مسلمان آنی

زند ء جور کن انت۔ قائم اعظم او مسلم لیگ ہے چن و لاپنچ

ء تھا اوار نہ ویتنغنت۔ پچیکہ آماں زانت کہ اف انگریز

ملک ء را پھر کنگ ء ابید شہ ایذا در کپتو شغنت تے بکال

حکومت ء سرا گوزا کن انت۔ پچیکہ آن لیکو ء

۱۲۵
مسلمان آں ہا از انت - چیا کہ مسلم لیگ ء ہے چن و لاپنج
ء تھا ہیر نہ گپتہ ہما کہ اے چن و لاپنج کم کمینی ء
قم بیٹہ -

س جون ۱۹۴۵ء ہندوستان ء وائسرائے ء مسلم لیگ
اور انگلیس ہ سرورک آں گوں مس شملہ ء نندونیا ذ کتہ اور
آہان ء گتہ کہ عالمی جنگ ء ختم بیٹخ ء رند ہندستان
ء را آج کتخ بی - داں ہماں وخت ء دوئیں سیاسی ڈول
حکومت ء تھا اور بہ بنت - وائسرائے ء گتہ ء گتہ کہ
اے ادارک حکومت ء تھا مسلمان اور بکال آنی پھنج پھنج نمائندہ
بنت اور دو نمائندہ دوہی قوم آنی بنت کانگریس ء گتہ
کش پھنج مسلمان این نمائندہ آں یکے آں بہ بی کہ آہنی ء
انگریس روپنیش - پر قائم اعظم ء کانگریس ء ہے لوٹ نہ
نشا اور دعوی کتہ کہ چو کہ مسلم لیگ مسلمان آنی نمائندہ ڈول
انت ہما کہ ایو کہ مسلم لیگ ء مسلمان نمائندہ آنی نامینغ ء
نشیار انت - چیا کہ دوئیں ڈول آنی نیام ء رازی بازی ء

بیٹ نہ دیشہ ہما کہ اے دیوان دے بے سوب بیٹہ ہے
 دیوان ء را شملہ دیوان " گشخ بی۔ البت ہے دیوان ء
 تہا دوئیں ڈل اے ٹوک ء سرا رازی بیٹغت کہ ملک
 تہا گیش کاری کنائٹخ بہ بنت۔

مس ۱۹۲۶ ء شروع ء ملک ء تہا گیش کاری کنائٹخ
 بیٹغت۔ مسلم لیگ ء بنجاہ ء مسلمان آئی نئی ء نئی نشت
 کٹغت اد صوبہ آئی ۱۹۲۲ نشت آں ترا ۲۱ م نشت کٹغت
 ہینکا گیش کاری آئی تسر ء شہ سابت بیٹہ کہ بس مسلم لیگ
 مسلمان آئی یکیں نمائندہیں سیاسی ڈل انت او مسلم لیگ ء
 ٹک ء شہ پہ مسلمان آں یک نوکلایمیں ملک ء اڈریخ اس
 اے ڈیہہ ء تہا وسم این سچ این مسلمان آئی لوٹ انت۔
 مارچ ۱۹۲۶ ء برطانیہ ء حکومت ء وٹی سٹے وزیر ہندوستان
 ء بیہ داٹغت تنکہ مسلم لیگ او کانگریس ء نیام ء ٹہرا او
 رازی بازی ء کنائٹت بہ کن انت۔ وزیر آئی ہے گل ء ذالہ
 مشن " گشخ بی اے ڈل ء گول بازیں سیاسی ڈل آئی سرک

آن لوگ دتوار کتہ پر پریچ سٹہرا ء بیٹ نہ دیٹہ۔ اشہ سرا
ڈل ء وٹی نیمغا ترا مابازیں سوچ و صلاح پیش کثغت آل اشہ
انت۔

۱۔ دستور ء ٹائینگ ء پے یک اسمبلی ء در پخنج بی کہ ہے
دستور ء ٹائینی۔

۲۔ ملک ء تہا یک انچوشیں حکومتے ٹائینگ بیٹ کہ آہنی تہا
صوبہ آن ء باز ء ترا باز اختیار بنت۔ حکومت ء
چوشیں وٹا ء را " وفاقی نظام " گشخ بی

۳۔ سچہ این صوبہ آن ء سے گروپ آنی تہا ہر کثغ بی

(الف)۔ سری گروپ آنی تہا بنگال اد سام ء صوبہ
بنت۔ اشہ تہا مسلمان آنی لیکو گیشتر اش۔

(ب)۔ ۱۔ دوہمی گروپ ء تہا پنجاب، سندھ، بلوچستان اد
سرحد ء صوبہ ادار اثنت۔ اے صوبہ آنی تہا دے مسلمان
آنی لیکو شہ بکال آل باز اش۔

(ج)۔ سیچی گروپ ء تہا ہمال کلیں صوبہ ادار اثنت

کہ آہنی تھا بکال آنی یکوشہ مسلمان آن باز ات۔
 اے گروپ آن اختیار است ات کہ افہ آن لوٹ ات
 تہ دہ سال ء رند وٹ کرڈیں آجوعیں حکومت ٹاہینت کن
 ات گل ء اے سلاح دے پیش کتہ کہ دموذ داں دستور
 ٹاہینوخیں اسمبلی مر ٹہیٹ۔ ہاں وخت ء داں مسلم لیگ اد
 کانگریس ء نمائندہ ادار بنت اد ادارک حکومت ء تہا ادار
 بیٹخ ء ترا جاو داشہ پر پھذا ہمشی تہا ادار بیٹخ ء نمرارادی
 بیٹخت۔ مسلم لیگ ء دے حال وٹ ء رد ء ادارک
 حکومت ء تہا ادار بیٹخ ء فیصلہ کتہ پچیکہ افہ آہنی ء ہنچوں
 مر کٹیش تہ ملک ء حکومت کانگریس ء دست ء شت اد
 پھذا مسلمان آنی ہاں حال بیٹ کہ ہمشی ء شہ پیش ء بکال
 حکومت ء دور ہاری ء بیٹخت۔

مسلم لیگ اد کانگریس ادارک حکومت ء تہا ادارتہ بیٹخت
 پر آن یک دہمی ء ہمکہ خلاف اتنت کہ حکومت ء
 کار جکتہ۔ اسی سرا برطانیہ ء حکومت ء ہندوستان ء

دائیسرے لارڈ ویول وء را گرڈنیتو لندن وء لومائیتہ او آہنی
ہذا زمین وائیسرے لارڈ ماؤنٹ بیٹن ویم داشہ - ہمیشی اداری
ء برطانیہ وء حکومت وء اے جار جھٹہ کہ داں جون ۱۹۲۸ء وء
ہندستان وء را آجو کنگ بی۔

لارڈ ماؤنٹ بیٹن وء ہندوستان وء پبجٹو حال وء آنی
میٹو وء گندوچار کٹہ نہ آہنی وء سما کپتہ کہ مسلمان سپہ
دش وء شا نوزیکلائیں ڈویہ وء کم ٹوک وء سرا پوج بر رازی
ن دت اپنخاں آہنی وء ۳ جون ۱۹۲۸ء وء جار جھٹہ کہ ہندستان
ء را دو آجوئیں ملک آنی تھا پھر کنگ بی او اشاں وء داں
۴ اگست ۱۹۲۸ء وء آجو کنگ بی۔ اے جار وء راستے جون پلانء
کنگ بی۔ ہے ہل وء مسلمان آنی پلوا شا قائد اعظم او بکال آنی
بنغا شا جواہر لال نہرو وء ریڈیو وء سرا تران کٹہ او ہندوستان
ء بہر وء جار جھٹہ۔ قائد اعظم وء مسلمان آں را پاکستان حاصل
کنگ وء شادہ وء حال آسکنائیتہ او دتی تران وء اخیر وء پاکستان
نہ اد" وء تارا جھٹہ۔

۳ جون پلان " ۽ ردبا نوخ ٹھوئیں ملک بزاں پاکستان
 او بھارت ۽ نیام ۽ سیم ددنگ کشنی اث ہے کار ۽
 پہ یک کیشنے ٹایمغ بیٹہ کہ آہی سروغان یک انگریزے سرٹیکلف
 اث۔ ریڈ کلف ۽ گوں بکال آن ام سلاح بیٹو مسلمان آن
 رانخان پبجائیتہ او چی ہنچیں علقہ کہ آن پاکستان ۽ پیر ۽
 آکشتت، بھارت ۽ را داٹو اشتغنت۔

۳ جون پلان " ۽ ردبا ۳ او ۴ اگست ۱۹۴۷
 ۽ نیامنی مشف ۽ ہندوستان ۽ سرا برطانیہ ۽ حاکی او
 داڑھی آن سر بیٹہ او دو نوخیں ملک قائم بیٹغنت بزاں پاکستان
 او بھارت۔ پاکستان ۴ اگست ۱۹۴۷ ۽ ٹھہرہ
 دخیمیکہ بھارت ہر سال ۱۵ اگست ۽ آجوتی ۽ روش
 ۽ گوازینی۔

قائد اعظم پاکستان ۽ سری گورنر جنرل بیٹہ۔ آہی ۽ دا
 وٹا مرک ۽ گوں وٹی پیلہ این وس ۽ پہ ملک ۽
 دیروی ۽ کارکشہ آہی ۽ ۱۱ ستمبر ۱۹۴۸ ۽

وفات کثہ - انا للہ وانا الیہ راجعون

پاکستان ٹیغ و رند بازیں مسلمان آں شہ بھارت
و آئیغ بنا کثہ - انے ردا آں گوں باز دیں و مشکل
آں دیم پ دیم بیغنت پر کل و ہش آنت کہ آہانی
کوشت سوب مند بیغنت او آمان و پ و ش و
یک نوزیکلائیں مسلمان و تنے حاصل بیغہ کہ او ذآ آں و ہش
خوشی و وسم بنت او وشی زند آں اسلامی رہند آنی ڈول
و گوازیغنت -

ہماری مطبوعات

قیمت	مصنف کا نام	نام کتاب	نمبر شمار
۲/۵۰	میر صورت خان مری	گشبین روانک	-۱
۶/۰۰	عبدالحکیم بلوچ	گچین آزمائک	-۲
۶/۰۰	شیر محمد مری	کہن بلوچی شاعری	-۳
۲/۰۰	عبدالقادر اشیر	سانسی کمال ادلی	-۴
۲/۰۰	عبدالقادر اشیر	سانسی کمال دوی	-۵
۳/۰۰	عبدالقادر اشیر	مرگ دارگ	-۶
۳/۰۰	عبدالقادر اشیر	پاکستان ۶ لیب	-۷
۲/۰۰	بشری قیوم	لوگ پیکار	-۸
۲/۰۰	محمد عمر بلوچ	پوریات ارزش	-۹
۳/۰۰	مولوی شیر محمد ذوی	استاذ ادب	-۱۰
۲/۰۰	میر مسٹھا خان مری	سادہ زندگی	-۱۱
۳/۰۰	آغا میر نصیر خان	کفر و اسلام و جنگ	-۱۲
		بلوچستان و آزادی سرحد	
۲/۰۰	میر صورت خان مری	پہر آئی قصہ	-۱۳
۲/۰۰	بشری قیوم	زال باں و کار کردار	-۱۴
۲/۰۰	میر صورت خان مری	عہدی قصہ	-۱۵
۲/۰۰	ایم سلطانہ	مورینک موکر ایڈیٹنگ	-۱۶
۲/۰۰	محمد خان مری	شائیں کہول	-۱۷

بلوچے اکیڈمی کوئٹہ